



Aningaasanut Nunanullu Allanut Naalakkersuisoq

Suliaq nr. 01.31.06/07-00305 (Naalakkersuisut siulittaasuata ulloq 19. december 2007-imi aalajangiinerani nr. 253) pillugu **Naalakkersuisunut apeqqutit: Piniartunut 2007-imi tapiissuteqarnissamik qinnuteqaat**

Inatsisartut Aningaasaqarnermut Ataatsimiititaliaata kingullermik immikkut ittumik ataatsimiinnermini ilassutitut aningaasaliissuteqarnissamik qinnuteqaat suliaraa, taannalu apeqqutinut makkununga Naalakkersuisut akissuteqarnissaannik Inatsisartut Aningaasaqarnermut Ataatsimiititaliaata qinnuiginninnsaanut pissutissaqalersitsivoq:

1. Aningaasaliissuteqarnissamik pisariaqartitsineq aningaasanut inatsisip atuuttut akuersissutigineqarnerani siumut naatsorsuutigineqareersimasinnaasimappat ilassutitut aningaasaliissuteqarnissamik qinnuteqaatit missingersuusiornermut inatsit naapertorlugu Aningaasaqarnermut Ataatsimiititaliamit akuerineqarsinnaanngillat. Aningaasat ataatsimut pingaarnersiorlugit sapinngisamik tullerriaarneqarnissaat tamatumani siunertaavoq.

Aalisarnermut Piniarnermullu Pisortaqarfik 2001-imi, 2002-mi, 2003-mi, 2004-mi, 2005-imi, 2006-imi maannalu 2007-imi piniartunut immikkut ittumik tapiissuteqarnissaq pillugu qinnuteqaatinik tigusaqarsimasoq Naalakkersuisut isummernissaannut tunngavissiami allassimavoq. 2007-imi aningaasanut inatsisip akuersissutigineqarnerani piniartunut immikkut ittumik tapiissuteqarnissamik pisariaqartitsinerup naatsorsuutigereerneqarsinnaannginneranut pissutsit qanoq ittut Naalakkersuisut isumaat malillugu atuussimappat?

2. 2007-imi aningaasanut inatsimmi aallarteqqinnissamut tapiissutissatut kr. 1.535.000-it immikkoortinneqarsimapput. Inuussutissarsiuutigalugu aalisartut, inuussutissarsiuutigalugu piniartut inuussutissarsiuutigalugulu nunalerinermik ingerlataqartut aallarteqqinnissamut tapiiffigineqartarnerat pillugu inatsisartut inatsisaat nr. 3, 21. maj 2004-meersoq naapertorlugu aallarteqqinnissamut tapiissutissat aqunneqarput. Inatsisartut inatsisaanni kingullertut taaneqartumi § 1, imm. 2-mi allassimavoq pissutsini immikkut ittuni "silaannaap pissusiata kingunerisaanik, inuussutissarsiornikkut nalinginnaasumik ajornartoornikkut assigisaasigulluunniit annaasanut" Naalakkersuisut aallarteqqinnissamut tapiissuteqarsinnaasut. Tapiissutit ilaatigut qinnuteqartup aningaasaqarniarnikkut inissisimaneranut uppersaatitnik ilallugit qinnuteqarnikkut tunniunneqartarput.

Tapiissutit immikkut ittumik ikiorsiissuteqartarnermut aningaasaateqarfik aqputigalugu manna tikillugu tunniunneqartartut inatsisikkut aalajangikkamik tunngaveqarnani tunniunneqartarnerat naapertuutinngitsutut isigalugu (Ombudsmandip 1998-imut ukiumoortumik nalunaarutaani taaneqartoq) Inatsisartut Ombudsmandiata kaammattuutaa inatsisiliornikkut malinniarneqarsimasoq inatsisartut inatsisaannik piareersaatinit takuneqarsinnaavoq.

Isummersuutit Ombudsmandip kaammattuuteqarnerani tunngavigineqartut ilaat tassaasimagunarpooq pisortanit tapiissutit tunngavissat inatsisitigut aalajangersarneqartut malillugit tunniunneqartariaqartut, taamaalilluni innuttaasut tapiissutinik pissarsinissamut pisinnaatitaaffitik/periarfissatsit ilisimasinnaassammattigit (soorlu aamma tamanna Naalakkersuisut isummernissaannut tunngavissiamut ilanngussaq 3-mi oqaatigineqartoq).

A: Piniartunut immikkut ittumik tapiissutit pillugit saaffiginnissutinut arfiniliusunut akissuteqaamminni Naalakkersuisut aallarteqqinnissamut tapiissutinik qinnuteqarnissamut periarfissat innersuussutigisimavaat?

B: Aningaasaqarnermut Ataatsimiititaliaq ilassutitut aningasaliissuteqarnissamik qinnuteqaammik akuersinermigut 2007-imi aningaasanut inatsimmi piniartunut aalisartunullu aallarteqqinnissamut tapiissutitut 1.535.000 kr.-inik immikkut ittumik tapiissuteqarnissamik Inatsisartut tamarmiusut tullerriaarinerannik saneqqutsisutut oqaatigineqarsinnaava?

C: Aningaasaqarnermut Ataatsimiititaliaq ilassutitut aningasaliissuteqarnissamik qinnuteqaammik akuersinermigut mianerisassanik Inatsisartut Ombudsmandiata taaneqartutut kaammattuuteqarneranut tunngavigineqartunik saneqqutsinissamik akuersisimasutut isigineqarsinnaassava?

D: Aallarteqqinnissamut tapiiffigineqarnissamut 2007-imi qinnuteqaatit 2006-imi qinnuteqaatinit amerlanerusimappat? (Ukiunut taakkununga marlunnet kisitsit nalunaaqquneqarput)

E: Aningaasanut inatsimmi kontomi 50.01.04-mi aallarteqqinnissamut tapiissutissatut immikkoortitat amerlineqarnissaat tamatumunga taarsiullugu Naalakkersuisut sooq qinnutiginnigilaat?

3. Inuuniarnikkut pisariaqartitanik imminnut ilaqtaminnillu pilersuisinnaangitsut allat assigalugit inuussutissarsiutigalugu piniartut pisortanit ikiorsiissutit pillugit Inatsisartut peqqussutaat naapertorlugu pisortanit ikiorsiissutinik pissarsisinnaapput.

A: Saaffiginnissutit katillugit arfiniliusut Naalakkersuisut qinnuteqarnerannut tunngavigineqartut borgmesterimit isumaginninnermullu pisortamit saaffiginnissutinik ilaqartut Naalakkersuisut isummernissaannut tunngavissiami allassimavoq. Inuussutissarsiutigalugu piniartut aningaasaqarniarnikkut ajornartorsiuteqartut pisortanit ikiorsiissutit pillugit Inatsisartut peqqussutaat naapertorlugu ikiorsiissutinik pissarsinissaannut kommunit nammineerlutik akisussaaffeqarnerat borgmesterimut isumaginninnermilu pisortamut saaffiginnissuteqartunut akissuteqarnerminni Naalakkersuisut oqaatigisimavaat?

B: Pisortanit ikiorsiissutit pillugit peqqussut naapertorlugu kommunit pineqartut pisussaaffimminnik isumaginninnissamut aningaasaqarnikkut periarfissaqanngitsutut Naalakkersuisunit nalilerneqarpa, taamaassimappallu tassunga atatillugu Naalakkersuisut/nunatsinni pissutsinut allaffik qanoq iliuuseqarsimappat?

C: Saaffiginnissutit katillugit arfiniliusut Naalakkersuisut qinnuteqarnerannut tunngavigineqartut inunnit ataasiakkaanit saaffiginnissutinik ilaqartut Naalakkersuisut isummernissaannut tunngavissiami allassimavoq. Suliamik eqqortumik ingerlatsinissamik ileqqussat naapertorlugit oqartussaasut saaffiginnissummik

tigisisussaangitsut saaffiginnisummik oqartussaasumut eqqortumut ingerlatitseqqittussaapput. Tamanna naapertorlugu saaffiginnissutit pineqartut kommunimi pineqartumi isumaginninnikkut oqartussanut Naalakkersuisut ingerlateqqissimavaat?

D: Kommunini pineqartuni pingasuni inuussutissarsiutigalugu piniartut pisortanit ikiorsiissutit pillugit Inatsisartut peqqussutaat naapertorlugu 2007-imi qanoq annertutigisumik ikiorserneqarsimappat?

E: Piniartunut immikkut ittumik tapiissutit aningaasaliiffigineqarnissaannik Naalakkersuisunit qinnutigineqartut inuussutissarsiutigalugu piniartut pisortanit ikiorsiissutinik pisinnaasaraluannik pissarsinngitsoortissinnaavaat pisortanilluunniit ikiorsiissutisiassaralui ikiliseratarsinnaavaat?

F: Inuussutissarsiutigalugu piniartut taakkulu ilaqutaat piniagassaasuanermi tunitsivissaaleqinermiluunniit pisortanit ikiorsiissutit pillugit Inatsisartut peqqussutaannit atuuttumit naammaginantumik illersorneqanngitsut Naalakkersuisut naliliippat? Taamaassimappat Inatsisartut peqqussutaanni allannguutit qanoq ittu ingerlatilersaarnerlugit nassuiaateqaqqullugit Naalakkersuisut qinnutigineqarput.

4. “Qinnuteqaatip akuersaartumik suliarineqarnissaannik Naalakkersuisut aalajangererat qinnuteqaatini pissutsinut aallaaserineqartunut attuumassuteqartoq” Naalakkersuisut isummernissaannut tunngavissiami paasissutissiissutigineqarpoq. Naalakkersuisut isummernissaannut tunngavissiami piffimmi allami paasissutissiissutigineqarpoq tapiinissamik imaluunniit aningaasartuutit aalajangersimasut akilernissaasa kinguartinnissaannik qinnuteqaatit ukuningga tunngavilersorneqartut:

- Puisit amiisa akiisa appasinneri
- Puisit amiinik tunitsiviit ilaasa matuneri taassumalu kinguneranik aningaasarsiornerup ajornerulernera
- Ilaatigut aammattaaq aalisakkanik piniakkanillu allanik tunitsivissat pitsaannginneri tunitsivissaqannginnerluunniit
- Silaannaap allanngornera pissutigalugu piniarnerup ajornakusoornera.

Siuliani taaneqareersutut aningaasanut inatsisip atuuttup akuersissutigineqarnerani aningaasaliiffigineqarnissamik pisariaqartitsineq naatsorsuutigineqarsinnaasimappat ilassutitut aningaasaliissuteqarnissamik qinnuteqaatit missingersuusiormi inatsit naapertorlugu Aningaasaqarnermut Ataatsimiititaliamit akuerineqarsinnaanngillat. Tamanna tunngavigalugu makku paasissutissiissutigineqarput:

A: 1. maj 2007-imi puisit amiinik tunisinermi akit appariaateqarnerat kommunini pineqartuni pingasuni tamani inuussutissarsiutigalugu piniartunut aningaasaqarnikkut qanoq kinguneqarsimava?

B: 2007-imi aningaasanut inatsisip akuersissutigineqarnerata kingorna puisit amiinik tunitsiviit sorliit matusimappat, tamannalu kommunini pineqartuni pingasuni tamani inuussutissarsiutigalugu piniartunut aningaasaqarnikkut qanoq kinguneqarsimasutut nalilerneqarpa?

C: 2007-imi aningaasanut inatsisip akuersissutigineqarnerata kingorna aalisakkanik piniagassanillu allanik tunitsivissat qanoq annertutigisumik ajorseriaateqarsimappat, tamannalu kommunini pineqartuni pingasuni tamani inuussutissarsiutigalugu piniartunut aningaasaqarnikkut qanoq kinguneqarsimasutut nalilerneqarpa?

D: 2007-imi aningaasanut inatsisip akuersissutigineqarnerani aarleqqutigineqartunut sanilliullugit silap pissusaata allanguutaasa piniagassanut sunniutai 2007-imi ajorseriarsimappat?

5. Inuussutissarsiutigalugu piniartut piniarnermit isertitamik saniatigut takornariartitsinermit inuussutissarsiutinillu allanit isertitanik tapertaqartitsisinnanerat Naalakkersuisut pimoorullugu sulissutigisimavaat. Kommunini pineqartuni tamani inuussutissarsiutigalugu piniartut piniarnermit isertat saniatigut isertitanik allanik 2007-imi qanoq annertutigisumik tapertaqarsimappat, taamaalillutillu piniagassaasuanerup tunitsivissaaleqinerullu il.il. kingunerisaanik isertitamik ikileriaataat taarteqartissinnaasimallugit?

6. Oqartussaasut sinniisaannit, kattuffinnit kiisalu Avanersuarimi, Qeqertarsuarimi, Aasianni, Ittoqqortoormiini Tasiilamilu inunnit ataasiakkaanit saaffiginnissutinik Naalakkersuisut tigusaqarsimasut Naalakkersuisut isummernissaannut tunngavissiami allassimavoq. Aammattaaq Aasiannit Qeqertarsuarmillu qinnuteqaatit, taakkunani tunitsivissaginneruneq innersuussutigalugu Naalakkersuisut itigartinneqarsimasut ilanngullugu paasissutissiissutigineqarpoq.

A: Kommunini Naalakkersuisunut saaffiginnissuteqanngitsuni piniartunut immikkut ittumik tapiissutinut aningaasanik qinnuteqarnissartik Naalakkersuisut isumaliutigisimavaat?

B: Kommunit pingasuusut pineqartut saniatigut kommunini allani inuussutissarsiutigalugu piniartoqarpa kommunini pineqartuni pingasuusuni tamani inuussutissarsiutigalugu piniartut agguaqatigiissillugu isertitaasa/inoqutigiit isertitaasa assinginik annikinnerusunilluunniit isertitaqartartunik?

7. Kommunini pingasuusuni pineqartuni inuussutissarsiutigalugu piniartoqarpa ima annertutigisumik isertitaqarsimasunik 2007-imi pisortanit ikiorsiissutinik qinnuteqanngivissimallutik?

8. Kommunini pingasuusuni pineqartuni inoqarpa allanik (assers. ilinniagaqartut kisimiittut meerallit, siusinnartumik pensionisiallit, S.I.K-p ataani piffissani aalajangersimasuni sulisartut assigisaallu) inuussutissarsiutigalugu piniartut isertitaasa assingannik taakkunanngaluunniit ikinnerusunik ukiumut isertitaqartartunik?

9. Tapiissutiginiarneqartut ilaat qanoq annertutigisut pisortanut akiligassatigut kinguaattoorutit matussuserneqarnissaannut atorneqartussatut Naalakkersuisunit nalilerneqarpa?

10. Oqartussaasut sinniisaannit, kattuffinnit kiisalu Avanersuarimi, Qeqertarsuarimi, Aasianni, Ittoqqortoormiini Tasiilamilu inunnit ataasiakkaanit saaffiginnissutinik katillugit arfinilinnik Naalakkersuisut tigusaqarsimasut Naalakkersuisut isummernissaannut tunngavissiami allassimavoq.

A: Saaffiginnissutinit Naalakkersuisunit 2005-imi 2006-imilu tiguneqartunit piniartunut immikkut ittumik tapiissutinut aningaasanik Naalakkersuisunit qinnuteqarfigineqanngitsunit saaffiginnissutit taakku sutigut allaanerusuteqarpat?

B: Saaffiginnissutit arfinillit taakku ilassutitut aningaasaliissuteqarnissamik Aningaasaqarnermut Ataatsimiititaliamut qinnuteqarnissamut tunngavigissallugit naammattut Naalackersuisunit isigineqarpat?

11. KANUKOKA-mit, KNAPK-mit Ilaqutariinnermullu Pisortaqarfimmit peqataaffigineqartumik Aalisarnermut Piniarnermullu Naalackersuisoqarfik suleqatigiissitaliortoq 2004-mi juullimi piniartunut immikkut ittumik tapiissuteqartoqarnerata kingorna Naalackersuisut paasissutissiissutigaat. Piniartunut tapiissuteqarnissamik qinnuteqaatinut nutaanut atatillugu ataqatigiissaarinissamik qulakkeerinissaq aammalu suliaasaqarfimmi tapiiffigineqarnissamut periarfissat suliniutillu pillugit paasissutissanik siammarterinissaq suleqatigiissitaliornermi siunertarinqarput. Ilassutitut aningaasaliissuteqarnissamik qinnuteqaat matumani pineqartoq suleqatigiissitaliamit kaammattuutunik qanoq annertutigisumik tunngaveqarpa?

12. Piniartunut ikiorsiissutit tapiissutillu pitsannorsarneqarnissaat tunngavilersorluarnissaallu siunertaralugu inuussutissarsiutip iluani isertitatigut pissutsit pillugit aalajangiisussat aalajangersimasumik ilisimasaqalersinnaaqqullugit piniarnermik inuussutissarsiuteqartut inuuniarnermi aningaasaqarnikkut atugaannik misissueqqissaarnerup suliarineqarnerani siunertat ilagaat.

Tunumi piniartutut akuersissutillit akileraartussaataasut 18 %-ingajaat 10.000 kr.-it ataallugit isertitaqartartut aammalu 25 %-ingajaat 100.000-it 250.000 kr.-illu akornannik isertitaqartut misissueqqissaarnermit ilaatigut takuneqarsinnaavoq. Avannaani kisitsisit taakku 25 %-iullutillu 30 %-iupput. Ilassutitut aningaasaliissuteqarnissamik qinnuteqaammik saqqummiussinissamik isumaliutiginninnermi paasissutissat taakku nalunaarusiamilu paasissutissat allat Naalackersuisunit qanoq ilanngunneqarsimappat?

13. Inuussutissarsiutigalugu piniartunut uppernarsarneqartumik pisariaqartitsisunut tapiissutit atugassanngortinneqarnissaat siunertaralugu inuussutissarsiutigalugu piniartut pineqartut 245-t isertitaat inoqutigiittullu isertitaat pillugit paasissutissanik Akileraartarnermut Pisortaqarfimmit pissarsiniarnissamut Naalackersuisut periarfissaqassappat? Taamaattoqassappat paasissutissanik taamaattunik pissarsiniarnermut piffissaq qanoq siviisutigisoq Naalackersuisut atussagaluarpap?

14. Ilassutitut aningaasaliissuteqarnissamik qinnuteqaatinik taamaattunik Aningaasaqarnermut Ataatsimiititaliamut saqqummiusseqqittoqaqqunagu piniartunut tunngatillugu siumut ungasissumullu isigisumik Naalackersuisut aaqqiissuteqarnissamik sulissutiginnissasut Aningaasaqarnermut Ataatsimiititaliap isumaqatigiittup 2002-mi aalajangiinnermini erseqqissaatigaa. 2004-mi juullimi inuussutissarsiutigalugu piniartunut immikkut ittumik tapiissuteqarnermut atatillugu kaammattuut taanna Aningaasaqarnermut Ataatsimiititaliamit aammaarlugu uteqqinneqarpoq.

Inuussutissarsiutigalugu piniartunut aaqqiissutaasinnaasut ataavartut pillugit nalunaarusiaq neriorsuutigineqartoq suli naammassineqanngitsoq Naalackersuisut isummernissaannut tunngavissiami allassimavoq. Pisortaqarfinni suleqatigiissitaliami ilaasortaataqartuni sulisussaaleqineq tamatumunnga pissutaanerarneqarpoq.

Suleqatigiissitaliornerup Naalackersuisunit nalunaarutigineqarneraniilli ukiunut pingasunut qaangiuttunut tamanut nalunaarusiornerup qanoq ingerlaneranut nassuiaateqaqqullugit Naalackersuisut qinnuigineqarput.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua